

精校
大字
漢魏叢書九十六種

上海大通書局發行
武進唐駟署

卷之二十一

七

元經薛氏傳序

元經始晉惠帝終陳亡凡三百年蓋聞夫子曰春秋一國之書也以天下有國而王室不尊乎故約諸侯以尊王政以明天命之未改元經天下之書也以無定國而帝位不明乎徵天命以正帝位以明神詔之有歸又曰春秋抗王而尊魯其以周之所存乎元經抗帝以尊中國其以天命之所歸乎然帝衰於太熙故元經晉此振起之也中國盛乎皇始故元經摯名以正其實嗚呼天下無賞罰三百載聖人在下則追書褒貶以代其賞罰斯周公典禮使後王常存而行焉仲尼筆削使後儒常職而述焉收受經於夫子何足以究其譚輿輟為傳解發明師訓之一二云唐河東薛收撰

元經薛氏傳卷一

隋王通經

唐薛收傳

宋阮逸註

南昌袁絢校

經晉太熙元年春帝正月

武帝太康十一年惠帝即位改太熙元年又改永興

夏四月立太后楊氏賈氏為皇后五月辛未葬武皇帝丙子太

傅駿輔政秋八月壬午立廣陵王適為皇太子以何劭王戎楊濟為師傅冬十月石鑒為太尉隴西王泰為司空屯

兵四出傳曰經者正也常也天以南北為正聖人以典禮為常皆謂之經者天人相與為法也經取天之正為本聖人以常為法

晉者司馬氏始封之國也帝自晉王受魏禪故國號晉溫晉地也故改封太熙年號也帝謂惠帝也文中子曰

帝之不帝久矣秦兼三皇五帝傳非其道也摯名索實此不可去後漢自作年號故書年號帝稱名沿漢舊制也經書

始即位則稱元年無改元之禮自元中漢有初之號後世因之此亦不去元其於彼必自作之乎不必盡取古

本中國號也太熙元年元皇帝司馬氏太康十一年四月朔是月惠帝立經書帝而不書即位微旨也昌謂微旨

曰春秋之法隱莊閔僖皆有故不書即位之禮或讓而不為公羊傳曰隱或痛而不忍終是以不言即位或亂

而不成禮左氏曰閔公不書即位亂故也或出而闕書或踰年而追書左氏曰僖公不稱即位出故也昭公薨於晉惠不書即位

與魯諸侯異焉高異爾曰春秋者因諸侯之史作焉故公即位皆稟命於王有所不書則禮有所不至也元經

因天子之史作焉帝即位皆受命於天有所不書則天有所不與乎故仲淹亦不與其即位也不與奈何曰惠

帝君不君政出多門天下由茲大亂雖嗣位猶無位乎故不書即位元經之微旨也言元經因惠帝不君所楊

氏者何曰武帝元楊后之妹謂之悼楊后無子元楊后生惠帝早亡惠帝即位尊悼后為皇太后書曰立太后

楊氏禮也先書立太后言天子必有后尊也後云楊氏言推恩及親也賈氏充女初武帝將娶衛瑾女而楊氏欲娶賈氏女遂以為太子妃

武帝憂太子不慧試以疑事使決之賈氏令給事張弘具草使太子寫答武帝悅至是政由賈氏天下亂矣書

曰賈氏為皇后猶言賈氏自為之也不言立非惠帝立之也武皇帝四月崩五月葬譏遠也周制天子七月而葬同軌畢至

言天下會葬有不至則禮不備凡未及期而葬謂之不懷過期而不葬謂之緩春秋皆譏之元經禮典本春秋太傅駿就

謂曰楊駿也胡不書姓曰貶也昌貶爾曰駿為太傅受先帝遺詔輔政百官總已不能效伊霍之忠稔成賈后

之惡晉室禍階實自駿始故去姓以罰其罪惡之深也書太傅責官重也元經貶惡其義權衡輕重各有所存是以有書名而去姓若有書姓名而

去官者前後別例各廣陵王適惠帝子也立為皇子正也何助為太子師王戎為太子輔楊濟為太子保同書

不同傳釋之詳矣裴楷和嶠張華衛瑾皆為保傅不書省文石鑒為太尉隴西王司馬泰為司空書三公得其人也鑒字林伯太康末拜

之謹其職也裴楷和嶠張華衛瑾皆為保傅不書省文司空武帝晏駕楊駿疑汝南王亮白太后詔鑒率固陵兵討之鑒獨不然遣人視亮別道歸許昌駿疑乃止時

論稱鑒不以權臣誣害宗室正也司馬泰字子舒遷太尉錄尚書事雖為宰輔服膳如布衣任真簡率每朝會

不識者不知是王公事親恭謹居喪哀戚為宗室儀表當時以節制見稱餘王莫能比同書者王公得賢也

元經凡書姓名及稱官者皆無貶元經始事也下文書裴益終其善也有不書裴者則有譏焉屯兵四出曰楊駿輔政慮他變乃遣石崇胡夷趙俊趙敷將屯

兵四出以示威也不書遣不由帝也戎兵國之大事書兵而不書人不稱詔遣者政由臣下出也兵出無名此義微而顯

經太熙二年春帝正月乙酉改元永平又改元康自太熙改永熙共一年耳太熙二年又改元康三年三改非禮也故經止書太熙二年而已三月中書令和嶠

卒辛卯賈氏殺楊駿夷三族壬辰賈氏廢皇太后壬寅汝南王亮為太宰夏五月甲戌毘陵王軌薨無傳按元楊生悼王軌字

則惠帝同母弟也壬午賜天下孝悌高年鰥寡力田者帛六月賈后殺汝南王亮及太保衛瓘乙酉曲赦洛陽秋七月置

州冬十二月辛酉京師地震秦王東亮無傳按秦獻王東字宏度惠帝同母弟也傷駿舅氏誅滅乃述武帝遺旨乞歸藩至汝南王亮楚王瑋被誅時稱東有先識傳曰武帝

崩未踰年而改元非禮也君子謂違春秋未踰年不書即位之義故書太熙二年正月失也和嶠字長輿世為魏

大臣襲爵上蔡伯以平吳功轉侍中見太子不慧因侍坐曰皇太子恐不了陛下家事首領首最皆稱太子明識

嶠曰聖賢如初爾武帝不悅然知其言忠後惠帝立賈后使帝問嶠曰不了家事今定云何嶠曰臣事先帝曾有

斯言言之不效國之福也至是卒世稱其先見書官以卒善其終也官未至三公不書薨賈氏殺楊駿賈氏不稱皇后駿不

稱官兩貶之也曷謂兩貶曰駿以后黨權傾天下早不能圖賈后而賈后與黃門董猛連兵討駿駿逃于馬廐

戰殺之楊氏夷三族不稱官與無官同也不稱后不與其為后也賈氏廢皇太后者何曰悼后駿女也駿既誅

矯詔廢悼后為庶人徙金墉城稱賈氏不與其為后元經之權也汝南王亮為太宰言自為也附賈后將取禍也

為六月賈后復殺亮張本漢制賜孝悌力田等帛且曰孝悌吏民之師也力田生民之本也高年鰥寡者亦賜恤之皆古道也

書之存舊典也非賈后事也賈后殺汝南王亮及其太保衛瓘春秋之法大臣相殺死凡稱名所以示殺者之罪若王

子紂殺毛伯召伯是也苟死者無罪則書名氏若晉殺其大夫陽處父是也今稱賈氏罪殺者之惡也衛瓘稱官

曲赦非古也賈氏使楚王瑋殺亮及瓘又歸罪於瑋而殺之故曲赦洛陽懼瑋黨有變焉殺楚王瑋不書云瑋臣也

足取分揚州荊州十郡為江州記始置也用本史舊文記其始置無廢京兆地震案本志謂楚王瑋殺汝南王及太保此陰道

盛陽道微之應也劉向曰地震金木水火土沴也伯陽南云天地之氣不過其序若過序則氣亂也陽伏而不能出陰迫而不能升於是地有地震

經元康二年春帝正月太熙二年即元康元年也故此為二年二月己酉賈庶人弒太后於金墉城夏四月秋八月壬子大赦逆黨冬

十一月沛國雨雪傷麥傳曰正月雖無事必書首月春秋之法也賈庶人孰謂曰賈后也曷謂先稱庶人曰賈后

元經薛氏傳

既誅楊駿宣言太后同逆廢于金墉城絕膳而崩經書曰庶人殺太后貶大忌也是時未廢為庶人先貶之者不

與其稱后也春秋之法凡殺君稱君名者君無過稱臣名者臣之罪也賈氏以婦殺姑以邪賊正也太后賈之姑

也故書弑傳言惠帝不慧致大赦逆黨者何賈后懼國人討賊故赦以安逆黨之心春秋莊公經書肆大青然後

葬文姜蓋文姜預弑桓之惡仲尼謂子道不可畧母葬故特書肆大青然後葬文姜子道掩親之惡也賈氏則不

然自赦其黨託名渙汗君子不與其赦也故特書曰大赦逆黨本史云壬子大赦雨雷傷麥紀災異也春秋公子

遂專任而經書雨雷按董仲舒曰紀雷者皆有行專政者也

經元康三年春帝正月天西北裂夏四月雨雹深三尺冬十月大原王弘薨作互市皇太子納妃王氏祕書監華嶠

卒傳曰天裂者何本志謂陽不足也人主昏暗妃后專政之應也榮陽宏農皆雨雹深三尺非常雹也異孰甚焉

本志謂惠帝無陽為陰所蔽之罰也春秋魯桓夫人同其應矣左傳曰大雨雹書災也曷謂互市曰公卿賄賂

交通更相薦託有如市易焉作者言惠帝自作之雨譏惠帝暗太子適納王夷甫女為妃凡帝子婚曰納帝女嫁曰降

納者獻乎上降者適乎下華嶠者武帝碩臣也太康末帝宴樂屬疾嶠諫曰收功於微忽事乃無悔慮禍於垂成祚乃日新

詔答曰朕自消息無慮也惠帝立遣祕書監博聞多識有良史之稱卒諡曰簡嶠字叔駿以援漢紀纂乃編觀祕

為紀十二卷皇后紀二卷十典十卷列傳七十卷嶠謂皇后配天作合前史作外戚傳起光武終獻帝一百九十五年

非也故易為皇后紀又改十志為典取典墳之義明堂碑雍置都水修臺官行於世書官貴之也

經元康四年春帝正月丁酉太尉石鑒薨夏五月匈奴攻上黨六月壽春地震民死秋八月匈奴以計內附上谷上

庸竝地陷帝問蛙鳴無傳按本史藝林圖註鳥帝問曰九月甲午枉矢竟天冬十月傳曰太尉石鑒薨書官善其

終也按本史鑒年八十薨匈奴者何曰郝散魏曰自漢魏已來世為中國患魏武帝能制御羣胡為五部左部

居太原茲氏右部居祁南部居蒲子北部居新興中部居太陵至晉武帝時塞外匈奴二萬餘歸附使居河西宣

陽太始七年單于猛叛太始晉武初帝討平之厥後稍叛復害長史時御史大夫郭欽上疏言

人徙三河控四夷出入之防明先王荒服之制帝不納太康中匈奴十九種內附各分部落居之有屠各種者得為單于有王號者十六等曰左右賢王太子為之餘四姓曰呼延氏卜氏蘭氏喬氏呼延號日逐世為輔相其國民則有纂母氏勒氏者多反叛至是匈奴郝散叛寇上黨殺長史又寇上郡郝散弟曰度元又率羌胡攻破上郡自此匈奴漸盛而中原危矣經書匈奴不名者言其多難也稱攻不書寇者言鳴鐘鼓而來無所憚也傳言不周郭欽計壽春地震民有死者言災甚也按本史是歲京師及郡國皆地震秋八月匈奴郝散帥眾降馮翊都尉殺之書以計內附者伺國策不計險欲為鈔掠既為都尉所殺而散之弟度元收合餘眾復起邊患傳謂六年改元攻壽春起度元欲陽遂張大書計言多詐不可信結將以兵制而已謂和者許也地陷者山崩震裂而陷蓋陽伏而不能出陰迫而不升也春秋僖十四年沙鹿崩下偃謂其年將有大咎幾亡國今上谷上庸並陷裂水泉湧出人有死者天戒若曰陰不陰斯譴罰之漸乎陰不陰則地有異災枉矢曷謂曰星如流矢也星經云枉矢所觸天下所伐甲午枉矢竟天自西南流東北坤不利東北其災貝后之亂乎地為后之象

經元康五年春帝正月

書首

夏四月有彗字於奎軒轅秋九月鴈門大風傷稼冬十月武庫火十二月調兵罷司隸

傳咸卒有石生京師

傳無

傳曰彗者如箒彗也字如芒散貌也本志謂奎為庫兵軒轅為后宮貴后將廢之兆凡經

變者紀異以戒人修德也其間或有應驗亦有不應者天道遠也

大風由鴈門風自北來也胡戎來窺中國失道猾夏之象也洪範云霧常風

若也

武庫火累代之寶皆焚謂孔子履漢祖劍之類

春秋凡天火曰災人火曰火武庫火者有盜焚之爾不

獲盜焉調兵器者丙戌新作武庫大調兵器曷謂不書新作武庫曰讖失政也何謂失政夫武備中國大政也

周禮大司馬掌邦之盜禁之不能討賊雖新作無所益也故書兵器而已不書作武庫言中國武備弛矣終有廢胡

政以詰禁刑亂故也亂華之禍傳咸者司隸元之子也剛簡峻整有父風出為冀州刺史繼母杜氏不肯隨咸自表解冀州乃遷司徒左

長史便其親也楊駿輔政咸言於駿曰天下聽於冢宰大懼天光有敵人心或異今若此而明公處之未為易也時

司隸荀愷有兄喪自表赴哀詔未報而愷私造楊駿而行咸奏曰詔未下而行宜加顯貶駿甚憚之遣御史中

丞致書汝南王亮曰楊駿見誅孟觀李肇封數千戶侯自古封賞無若此者今後莫不樂國有禍其可極乎不
納亮果如後為司隸奏僕射王戎備位公輔兼掌選舉不能凝庶績但開張奔競不能康正請免我官吳郡顧
榮聞之曰傳長虞為司隸勁直忠果所可貴也書司隸卒重世卿也春秋貴重世卿亦如此

經元康六年春下邳王晃薨三月彭城有流血三百餘步夏四月大風五月匈奴攻北地殺太守秋七月氏賊僭稱

帝冬十一月命周處討氏賊關中饑大疫傳曰下邳王晃宣帝弟孚之子也孝友貞廉有宗室之望惠帝即位

晃領護軍也東振又誅楊駿有功作司空晃于位既而張華代之不書張華華備位而已不繼賢王故不書代

為八年台星折以明三公不才張本彭城呂縣流血三百餘步本志謂視之不明火不炎上則有赤青赤祥又彭城下邳獻王所

治之國也入為司空既而遽殞彭城失望之象也流血傷痛也四月大風言天下皆然也故不書地不書郡國所在先志謂

巽為風為本其卦在三月四月繼陽而治今四月大風常多且暴陽失其治也劉向亦云然匈奴殺太守者何曰郝

散之弟度元攻北地太守張塤戰死之匈奴不名眾也太守不名氏微也曷謂微則不書曰郡守失其才為匈

奴所殺故微之氏賊者孰謂曰秦雍氏羌齊萬年也先是雍州刺史解意為匈奴度元所破於是氏羌帥齊萬

年叛僭稱帝圖涇陽萬年不書名言賊不足名也曷謂不書圖涇陽曰罪莫大乎僭號也貶大惡餘惡無所書

可也周處者為建威將軍詔討齊萬年稟梁王彤節制書人不書官者何曰元經之法人名重官任輕則書人

以明人賢任卑也書官不書人者不賢也有書人則因舊史常制無所輕重矣元經權衡義例差別臨文示意

在乎官不必備惟得賢而已或人稱職官稱任則官與人皆書之或官濫於庸人賢失於所任則書人不書官

不書人不書官意有重有輕以譏失道焉耳周處賢將也受制於梁王彤進止不得專智勇不得用故君子重

其人不書官言官輕也謂周處終為梁王彤所制張本關中饑疫責凶荒不恤也梁王彤為征西大將軍都督雍梁二州鎮關中

民饑不能貸民疫不能恤彤之罪也故書關中饑疫以責都督之罪由彤也梁王彤永康二年薨博士議諡曰彤為宰輔責深任重慈懷之廢久

不聞一言諫止汝南之難不能因勢輔議趙王倫篡逆不能引身去位昔宋有蕩氏之亂華元自謂不能居官吾罪大矣靈彤不貶何以施法按諡法不勅成名曰靈春秋譏華元樂舉謂之不臣乃謚曰靈彤罪如此

經元康七年春帝正月癸丑梁王彤陷王師殺周處夏五月雷國雨雹傳無秋七月雍梁隕霜殺稼丁丑司徒王澤薨

冬十月傳曰陷王師殺周處何謂曰去年遣周處討齊萬年至是戰于六陌梁王彤與處有隙促令進軍絕其後

不救遂為賊所敗初萬年間處來謂賊眾曰吾聞斯人才兼文武若專斷而來不可當也受制於人則成擒爾

既而賊屯梁山有眾七萬彤促處領兵五千擊之于六陌自旦至暮斬賊萬計救兵不至處按劍曰吾盡忠竭節

之秋也遂力戰歿書曰陷王師以彤不忠於國也又書殺周處以彤私隙害賢人故書彤陷殺之爾傳言昔東由

隕霜殺秋稼關中米斛萬錢骨肉相賣災甚也春秋書隕霜不殺草尚謂天反時為災而況秋霜殺稼災可知

矣王渾孰謂曰渾字元冲魏司空昶之子平吳有大功江東士人悅附之楚王瑋將害汝南王亮先請渾同乘

渾開閣拒之後瑋伏誅渾乃出凡國政典故多渾所定書官以慕貴之也渾先知晉室亂乃謂賢王宜留居京師

問計吏以訪郡國王戎代渾為司徒不書貶戎不足以繼渾之賢也故不書

經元康八年春帝正月丙辰地震詔發倉廩賑關中三月壬戌大赦夏五月郊禋石破為二秋九月劉卞廢賈后不

克冬十月傳曰地震書曰者曰官謹天戒也春秋文公九年九月癸酉地震公羊傳曰震者地動也言文公制於

公子遂齊晉失道四方叛德也穀梁傳曰地不震者也地以不震動為坤靜之德震則謹而日之象大臣強盛動而為變焉

謂賈后強盛將廢太子通詔賑關中書詔者得其詔也傳言民饑不賑則詔不詔矣壬戌大赦者曰梁王彤專政殺周處氏羗

未平故肆赦因以自宥為明年彤錄尚書郊禋者何曰求世祠之神也在郊故曰郊禋或曰日本志謂禋之壇石中

裂破為二水沴金之象也壇石神位自毀者愍懷太子不利之兆謂明年賈后廢太子通之兆劉卞者孰謂曰愍懷太子衛率

也卞潛知賈后欲廢太子乃告司空張華曰東宮俊產如林四率精兵萬數公居阿衡廢賈后以安晉祚可乎華

不能故書曰劉卞廢賈后寢忠於晉祚也不克者賈華不能行也春秋以一字褒貶須數字以成文元經大義於

是深矣

經元康九年春帝正月將軍孟觀伐氏大破之獲賊萬年梁王彤錄尚書事河間王顥出鎮關中成都王穎出鎮鄴夏四月鄴賊張承基伏誅六月戊戌高密王泰薨秋八月尚書裴頠為僕射冬十一月甲子朔日有食之十二月壬戌賈庶人殺太子及其母謝太后傳曰孟觀者為績望將軍時齊萬年眾號數十萬觀領宿衛兵并統軍中士卒大戰十數皆破之生擒萬年獻捷京師書將軍言官得人也萬年不書姓志在族滅逆黨也梁王彤錄尚書阿

賈后也

阿順賈后謀廢太子

河間王顥者安平王孚之孫先朝之制非親王不得都督關中顥於諸王最疎然特以賢舉也

書出者內出外為文賈后忌顥賢示以重鎮其實出之耳成都王穎武帝第十六子於帝最親先是賈謐賈充孫也與

皇太子博奕爭道穎旁觀厲聲曰國之儲君賈謐安得無禮謐懼言於賈后乃以穎出鎮鄴書出者懼之也

二王同書出其情各異

一以賢一以懼皆書出蓋君子不欲其出也鄴賊張承基等妖言署置逆黨數十人郡縣分捕之書

伏誅喜平賊也高密王泰而隴西王也改封高密宣帝弟廋之子也謐曰文獻尚書裴頠字逸民司空秀之子書

曰僕射以人稱官也冬十一月甲子朔日蝕本志謂十一月日蝕十二月廢太子為庶人之應也自武帝太始二

年七月丙午至七年十月丁丑八年十月辛未九年四月戊辰七月丁酉十年正月乙未三月癸亥凡八年八日

蝕又咸寧太熙凡十一年復八日蝕至此甲子及明年正月乙卯皆蝕天意若曰晉室衰亂由武帝始違忠臣之

言惑賈后之勢遂及淪胥天譴既頻終不警悟經書甲子曰蝕舉其首以戒其終也賈庶人殺太子者何曰貶庶

人以彰殺太子之罪也本史稱元康九年廢太子幽于金墉城明年改元永康害太子于許昌今先一年因廢而

書殺者言賈后志在乎殺也謝淑妃惠帝才人生愍懷太子適先為賈后幽于金墉尋殺之故書曰及其母謝太

后然妃書謝太后何曰儲君既立春秋之義母以子貴謝妃無罪見殺元經因推而進之也故書曰太后也賈氏

承惠帝昏愚賊害皇嗣元經固抑而降之也各正以法且矯晉之失焉

按春秋隱三年君氏卒左傳曰嬖子也不赴于諸侯不附于姑故不稱薨不稱夫人

故不書姓而曰君氏言國君之母雖不養不姓而特書曰君氏言君之母氏尊稱也亦仲尼追書云耳今謝妃之卒仲淹先書庶人之慈後正太母之無過春秋大義於是明矣

經永康元年春帝正月己卯日有蝕之夏四月晉誅賈庶人及其黨甲午趙王倫自為相國五月己巳立皇孫臧為皇太孫六月薨愍懷太子秋七月冬十月黃霧四塞甲子立羊氏為皇后傳曰趙王倫廢賈后為庶人尋殺之曷

謂稱晉殺為文曰倫雖矯制而晉有天下當稱晉殺之明天下共誅惡也按春秋傳七年鄭殺其大夫申侯公羊

故稱名以殺罪之也凡罪稱國以殺而又名之若楚殺其大夫宜申宋殺其世子座苦殺其公子意恢之類是也今誅賈氏不名而稱庶人示深貶之也其黨數十人孰謂曰司空張華僕射

裴頠皆大臣不能扶危濟亂反死於不義故蔑而不書猶微人耳曷同微人曰倫誅賈氏使張材收華及頠將刑

謂張林曰欲害忠臣邪林詰之曰卿為宰相王天下事太子之廢不能死節何也華曰非不諫也林曰諫君不從

何不去位華不能答遂與頠皆夷三族以小辯虧大節屈於張林故曰同微人耳春秋元經皆不齒也趙王倫者

宣帝弟九子傷太子無罪見廢乃與嬖人孫秀同殿中郎士猗等矯詔殺三部司馬入華林迎帝遂廢賈后乃矯

詔自為相國書曰自為者貶也惠君不君倫臣不臣故先貶之謂明年倫篡太孫臧愍懷之子也母王氏稱太妃

趙王倫自為太孫傳雖倫立之不貶者臧當立也其實趙王倫假太孫之名而立之非詔太孫臧愍懷之子也母王氏稱太妃

初賈后令太醫程璩合巴豆丸使黃門孫慮與太子服之而死賈后表請以王禮葬之經書太子不書王先稱其

謚追而正之也蓋顯平陵黃霧四塞本志謂金木水火土沴時則有黃雀黃祥洪範視聽言貌皆以思為主心

不思則其咎為昏霧四塞焉羊氏者何元之女也既誅賈后故以上羊氏焉按本史羊氏名獻容晉亡後沒於

經永寧元年春帝正月乙丑倫篡帝位以帝為太上皇太孫為濮陽王癸酉倫弒皇太孫三月齊王冏舉兵討倫夏

四月乘輿反正改元永寧立尚為皇太孫六月戊辰大赦秋八月校尉羅尚討西羌破之己巳下邳王韓晃無冬十

月流人李特盜據蜀十二月司空何劭薨傳曰倫篡帝位故去族也殺太孫臧稱弒者倫罪與弒君同也君殺之

與劭三月齊王冏倡義兵成都王穎河間王顓常山王乂豫州刺史李毅兖州刺史王彥新野公歆皆應之遂

倫歸第誅之書曰討倫詔殺君之罪書乘輿反正者初倫遣帝于金墉城永昌宮至是倫伏誅羣臣乃迎乘輿

復歸正殿故曰反正也史立尚者何愍懷第三子也長曰彰補聞永寧元年薨追封南陽王次曰臧卽太孫也

為倫所害謚曰哀次卽尚也初封襄陽王帝既反正乃立尚為皇太孫正也六月戊辰大赦詔云逆臣孫秀奉

趙王倫篡據天位鎮東大將軍齊王同征北大將軍成都王穎征西大將軍河間王顥首建大策匡濟國難迎

朕幽宮旋軫閭闔豈余一人獨享其慶宗廟社稷實有賴焉於是大赦慶苟安也羅尚者誰曰羅憲兄之子也

太康末於西戎校尉堯者戎之種有不順則校尉當討焉破之嘉其功也流人李特自齊萬年之亂關中饑民

流移漢中特在內依益州刺史趙廞因襲廞遂據成都時羣盜皆起有君焉不書反而書盜言盜多也按載記五

秦二趙夏蜀凡十六國皆乘晉亂各盜一方故云多何劭者曾之子也少與武帝同年有總角之好惠帝以劭為太子師遣僕射趙王倫

專政以劭為太宰厥後三王交爭劭知晉室不可救游於三王之間無怨者晦迹自足不貪權勢有奏議文章

多行於世書王亮無所譏也三王爭權各總兵柄劭雖為太宰虛名耳故不罪之也

經太安元年春帝正月庚子誰王隨薨三月癸卯皇太孫尚疾薨夏四月慧星晝見五月梁王彤薨劉寔為太傅立

清河王覃為太子秋七月冬十二月河間王顥及諸王殺齊王同攻元太安長沙王乂為太尉傳曰誰王隨者宣

帝弟之孫也父遜封於誰謚曰剛王襲封誰書亮常制也太孫尚薨昌謂書疾王亮也曰尚幼天而薨故書疾以

明非殺害也晉至陵夷宗室屠戮自愍懷之禍及其子臧皆非天年獨尚雖非殺害天以疾薨亮傷之也慧星晝

見占云主兵劉向五紀曰春秋有彗孛於東北傳言記異也甘氏謂彗孛所當國受其殃蓋諸王相禍之應也梁

王彤為侍郎中大宰領司徒書王爵不書官何也曰貶也曷謂貶曰倫之篡位以彤為阿衡不能討賊迎復其君

故君子不與其為太宰也書王爵猶言沒於藩邸耳諸王非大逆死卽例書王爵非褒也劉寔者何曰字子真以孝廉計吏累遷至太傅實終身儉素晉之名臣也書太傅以人稱官也太子覃者武帝子清河王遐之子遐生四子覃為長齊王

同表曰東宮曠然家嗣無繼必建儲副以固洪基昔漢成無繼嗣由定陶孝和之緒安以紹興此先王令典也清河王覃先帝衆孫之中今為嫡長宜奉宗廟之重以寧四海羣公卿士咸同大願乃立為皇太子書正也諸王殺齊王同何謂曰同獻王攸之子討趙王倫有大功率兵入洛頓軍豫章置甲士數十萬置掾屬四十人大築第館延舞八佾惟寵親昵海內失望衆屬孫惠者諫曰天下有五難四不可明公皆已居之矣捐宗廟之主忽千乘之重而躬懷甲冑一難也奮三百之卒決全勝之策二難也捨殿堂之尊同將士之勞三難也任神武之畧無疑慮之懼四難也外幽居復皇祚五難也然而大名不可久倚大功不可久任大權不可久執大威不可久居此四不可也自永熙以來十有餘載公族值篡奪之禍骨肉罹暴夷之刑羣公被囚檻之囚妃主有離絕之哀今明公建不世之大功宜倣桓文之列追藏札之風高拱營丘之藩則善矣同不敏有軍校李舍之者奔于河間王顥游說圖同顥乃上表曰春秋之義君親無將也同擁強兵恐為不軌檄諸王共討同殺之幽其子三王於金墉城同三子昔封王太盛故諸侯共攻之書顥名而不書諸王名者譏王族自相滅舉顥為首也諸王不名王衆多也猶春秋稱人者衆之義

經太安二年春帝正月三日刺史宋岱斬蜀賊李特夏四月李雄復盜益州五月義陽蠻僭號殺新野王歆六月詔刺史劉公討蠻張昌王師敗績陷江南諸郡秋八月校尉劉宏斬張昌賊平顥領戍長沙王父乙酉帝出三里橋冬十月傳曰宋岱為荊州刺史討李特斬之傳首京師夏四月特子雄又據益州故書曰復盜也義陽蠻張昌少為平氏縣吏當李特寇蜀也昌潛遁聚黨數千人會壬午詔發江左武勇赴益士停留五日二千石免官於是郡縣驅逐因屯聚為盜昌先於安陸起攻郡守新野王歆討昌為其所敗故書曰殺新野王歆不書王師言歆便宜擊賊不意賊盛而死也歆宣帝之孫為政嚴刻蠻夷竄怨及昌作亂歆為賊所害於樊城是時賊殺南陽太守劉彬武陵太守賈隆零陵太守孔紘豫章太守閻濟武昌太守劉根皆不書者舉歆帝族為首也南蠻校尉詔

討昌戰于方城書王師敗績挫國威也陷江南諸郡謂武陵零陵豫章武昌等郡也八月斬張昌於清水書賊平
言諸蠻皆平也劉宏遣其司馬陶侃與昌苦戰累日昌竄于下雋山至是擒之傳首京師諸蠻皆平嘉告功也凡
諸侯有四夷之功則獻捷於王王親受之晉衰不復古禮但傳首京師亦足嘉焉顯穎不貶去族也顯太原王
環之子穎武帝第十六子舉兵討長沙王乂為名其實謀篡逆也初顯之討同也檄以乂為內主謂乂弱欲得內
助又圖廢惠帝立成都王穎也既乂輒勝同顯乃潛使刺客圖乂不果詔乂距之自八月至十月乂致書與穎曰
吾與卿友于十人同產皇室受封外都今卿與太尉顯共起大眾百萬軍圍宮城羣臣同憤卽命將死者萬計
酷痛無罪卿所遣驍機已送款國家想來者之前行一尺卻行一大不願來笑卿宜還鎮以寧四海宗廟無羞子
孫之福也穎答書曰若能從太尉之命斬皇甫商等首投戈退讓自求多福澤思進退也古將軍皇甫商掌禁兵東海王越
貳於乂潛與殿中將收乂送金墉城乂上表曰陛下委臣朝政小心忠孝神明所鑒諸王承詔率眾見責收臣
幽宮臣不惜軀命但念大言言微耳殿中左右以乂功垂成而敗謀出之帝不省閱使張方裂殺之三軍無不
垂涕經書賊者言殘賊忠臣也春秋之義凡自內虐其君曰弑自外而殺曰戕今顯穎罪亞於弑君戕殺忠良
故去族而名之書戕以貶大惡也乙丑帝出三里橋避顯兵所逼也顯使張方逼京師帝使皇甫商拒戰王師敗
績甲申帝軍於芒山丁亥至偃師辛卯舍于豆田癸巳旋於城東丙申進軍緱氏十月帝還宮經書曰出言分
避無所幸也天子無出之文惠帝自三里橋為賊兵屢逼芒山偃師緱氏暨還宮崎嶇在外猶如春秋國君出
奔之難故書出益傷之甚

經永興元年帝正月丙午尚書令樂廣薨詔雍州劉沈及秦州皇甫重討顯攻長安不克穎自為丞相二月顯矯詔
廢皇后羊氏降太子璽為清河王三月廣陵陳敏討賊石冰斬之楊徐二州平顯立穎為皇太弟六月新作三城門
秋七月丙申衛將軍陳胗以詔討穎戊戌復皇后及皇太子己亥帝北征穎敗績于蕩陰帝幸鄴八月匈奴劉淵盜

起離石王浚攻穎于鄴帝還洛陽十月顯將張方劫帝幸長安十二月丁亥廢皇太子顯立豫章王熾為太子

傳曰樂廣孰謂曰成都王穎之妻父也長沙王乂以此問廣廣對曰豈以三兄易一女哉廣三子曰凱聲謨一女適成都王穎又猶

疑之廣竟以此憂卒代王戎為尚書令書與廣賢以憂死也帝為顯所逼密詔劉沈皇甫重討顯攻長安為

顯所敗書不克譏沈重不武也穎以兵五萬屯十二門殿中素所忌者皆殺之以三部兵代宿衛自為丞相此

將為篡逆先自進位也顯矯詔廢皇后即羊元之女也元康元年立為后至是顯矯詔廢欲速賜死司隸校尉

劉璜上表諫得免太子覃大安元年立至是顯矯詔黜為王經書降不書黜覃無過不與其黜也本史書陳敏

為廣陵度支石冰者賊張昌之別將也昌既敗冰入楊徐為寇敏與壽春都督劉準同力擊破之乘勝北討徐

州賊封雲皆斬之書曰楊徐三州平加敏功也按本史陳敏因此功遷廣陵相後盜江東華譚以書與甘卓殺敏江東遂平顯立穎為皇太子弟者何顯

專政惠帝不能制故書曰顯立之也新作三城門非帝意也顯穎陰圖神器擅此興作豈止不時而已傳言春秋新作

南門新延廢皆書不時元經石衛將軍陳賡稱詔百寮討成都王穎因大赦復皇后及皇太子已亥奉帝北征

至安陽穎遣其將石超拒戰矢及乘輿帝頗中三矢時王戎東海王口口密王簡平昌公模吳王晏豫章王熾

襄陽王範及蕩陰六王之軍皆潰故曰六軍敗績也帝為石超所脅往鄴見穎穎迎于道左帝下與涕泣穎改

元為建武不書不與其改元也匈奴劉淵字元海反于離石自號大單于經書盜言僭竊之漸也借稱前趙也安北

將軍王浚尚書沉之子也趙王倫篡位三公起義浚時都督幽州有不平之色乃率鮮卑務勿塵合胡晉兵萬

人討穎與石超戰于平乾超敗克鄴帝奔還洛陽浚不書官敗也曰浚本心不軌託名討穎其實為亂華之首雖

有一時之功不能追終身之惡功小惡大故也張方者河間王顯之將也以三千陽燧青蓋車逼帝之長安帝

馳避後園竹方脅帝升車顯步騎三萬迎于灊上顯去族而張去姓何也曰顯首惡也張方微也貶大惡則餘

系焉丁亥詔曰成都王穎政績虧損四海失望且還第今以豫章王熾為皇太子弟此詔由顯出也故不書詔

經永興二年春正月甲午朔帝在長安夏六月甲子王戎卒秋七月甲午尚書諸曹火冬十二月范陽王虓及東海王越舉兵迎帝 傳曰甲午書朔者何春秋之法魯東周禮晦朔朝正告廟蓋國君所以頒王之典禮尊祖之廟貌以示常制也故魯公在楚必書于經左傳曰王正月公在楚釋不朝正於廟也昭公三十年三十一年皆書公在

乾侯傳曰言不能內外也仲尼之意本欲書公所在雖奔外亦吾君也不可易歲更朔而不書君行幸之地惠帝為顯所脅雖歷數在躬朔之禮廢矣故曰帝在長安猶書朔也王戎字濬冲瑯琊人少與阮籍輩為竹林之遊

惠帝以戎為尚書令與時浮沉無謗議之節尋拜司徒性好利算計恒若不足天下目之為膏肓之疾帝西遷也戎薨于郊縣不書官而卒者貶也尚書諸曹火延及崇禮閣口口口范陽王虓者何康王綏之子東海王越

者何高密王子惠帝西遷虓與東平王琳上言曰自愍懷被害皇儲不建成都王穎為姦邪所誤論王其身不可深責於是虓先率眾謀自許昌屯于滎陽推東海王越為盟主乘虛而進穎據洛遣張方劉宏竝不能禦虓

拔滎陽斬石超襲許昌破劉喬超喬皆穎將也穎於是出奔書曰迎帝嘉之也謂明年帝遷洛張本

經光熙元年春帝正月戊子朔帝在長安日有蝕之甲子東海王越迎帝三月劉栢根反平之夏五月范陽地燃壬辰越遣將擊顯穎於長安日光四散如血六月丙辰朔至自長安攷元光熙盜取太廟靈衣八月越錄尚書事九月

劉興誅司馬穎十一月庚子帝崩 傳曰戊子朔先書帝在長安後書日蝕者先典禮而後災異也舊典帝所東行必在書

海王越遣劉宏奉帝乘牛車行宮籍草公卿跋涉書曰迎帝帝未至之文也劉栢根者何東萊人也反襲臨淄高密王簡奔聊城王浚遣將討栢平之五月范陽郡地燃可以嬰本志謂火失其性視不明之罰也壬辰祁宏所

部鮮卑大掠長安殺二萬餘人日光如血蓋天人之否極此矣丙辰書帝至自長安必告廟禮也春秋桓二年書公至自唐傳例謂公行告于宗廟反行飲至金爵策勳焉惠帝自長安歸升舊殿哀感流涕謁太廟雖亂離不成飲至金爵之禮然君子喜其志思欲成其禮焉太廟史賈訪盜太廟靈衣書盜不書名微也天下皆巨盜竊

不成飢餓之禮然君子書其志思谷用其禮太廟之禮也

再故廟吏微不足名越錄尚書事不書王云族何也曰前者王迎帝于長安以書王嘉之也此不書王云族者

越將復篡逆也聖人之於善惡不求備於一人雖惡者有善必褒雖善者有惡必貶故前書王後去族臨事如

法春秋之大權也如春秋暈帥師以暈專命去公子之族以貶之也至桓二年復書公子翬如齊逆女蓋其事別也不以其弑君而終身貶之如春秋輕重臨事制權皆倣此也劉興者范陽

王廙之長史也先是頓丘太守馮嵩執頴送于鄴幽之劉興恐為後患偽稱詔賜死書曰誅言頴有罪宜乎誅

也不稱詔而書劉興貶興專殺非君命也曷謂不書王而稱姓者曰頴自立為皇太弟有無君之心湯陰之役

劫帝之鄴至是既為范陽所幽為輿所殺猶眾人爾非帝族也故曰司馬按古氏族後世頗異馬左傳衆仲曰天子建德因生以賜姓胙之土而命

之氏諸侯以字為氏因為族官有世功則有官族邑亦如之杜預曰天子則有官族姓若禹賜姓如其氏曰夏

是也諸侯卑不得賜姓則以字為氏因為族或因邑皆稟於時君所命也漢魏而來則不焚或邑或世稱皆謂

之姓通謂之氏若范氏之祖在虞為陶唐氏在夏為御龍氏在商為冢韋氏周為杜氏晉為范氏是也今司馬氏

即姓也宗室襲封之王即曰王族也去姓者舊史常文則無褒貶若去王族即筆削有善惡也謂書姓猶百姓

庚午帝崩于顯陽殿不書葬不得其終也曷謂不得其終曰惠帝自即位政由后黨權臣當國天下蒼百姓饑

死帝曰何不食肉糜其蒙蔽率皆此類及崩因食餅中毒或曰司馬越之鵠斯不得其終故不書葬抑春秋書葬書葬則賤之也天子之葬於禮尤重故魯會天子之葬則仲尼必書不葬則不葬若莊二年書葬威王則是會葬也傳八年惠王崩不書葬是魯不會葬也然則會不會葬者禮壞可知矣今惠帝崩不得其終非唯禮不備抑亦忌蒙不君自可貶矣

元經薛氏傳卷二

經晉懷帝永嘉元年春帝正月帝即位改元永嘉立王氏為皇太后梁氏為皇后南陽王模誅司馬顥隱義為司徒

王衍為司空傳詔除三族刑二月東萊王彌賊起三月將軍周馥討陳敏平之庚午立豫章王詮為皇太子劉淵陷

并州五月汲桑陷鄴城殺新蔡王騰洛陽地陷有二鴛出秋七月琅邪王麴鎮建鄴冬十一月戊申朔日有食之十

二月汲桑賊平越矯詔囚清河王豐殺之傳曰懷帝諱熾字豐度武帝第二十五子也惠帝崩帝以太弟入踐祚

於光熙元年十二月即位明年改元永嘉始書即位謹始也元經取元年正月書即位皆端本正始之義王氏懷帝母也諱媛姬早